

Maarenliitje


Fering
Tekst an wiis: Ingrid Brodersen

D D D G D A⁷
1. Gud maa - ren, heer san ik, föör - bi as a naacht,
A A A G A D
a san skintj troch't wö - ning an a - les wurt laacht.

2. Nü gau uun a breken,
uun höösen an skur.
Kön ales alianing,
mam luket bluats tu.

3. Aatj as al uun busem
an moolket a ki.
Diar reen ik gau auer,
hi teft al üüb mi.

4. Wi fulre a kualwer,
a anen an swin.
Wat moolk uun a teler
för't kaat, det as min.



efter Rien Poortvliet